

Salums – insla dils beai?

Premiera da film a Laax

■ (cp) Radiotelevisiun Svizra Ruman-tscha envida a la premiera dal film **Salums – insla dils beai?**, in film d'Eligi Derungs. Il film mussa tge istorgias che han influenzà e midà Salums. Mesemna, ils 4 da favrer 2015 a las 20.00 en la chasa da scola a Laax. «Oz fagein nus ina spassegiada vi Salums cun caffè e petta tier la Frau Alig ni el Straussennest»; quai udiv'ins avant onns anc bain savens a Laax e conturn. Salums è in aclaun che tutga tar la vischnanca da Laax. Fin ils onns 1960 in lieu ruassaivel, idillic e sulegliv amez il gaud «Uaul grond» cun ina survista magnifica sur la Foppa.

Oz è Salums in vitg cun passa 200 abitaziuns, villas e residenzas da vacanzas. Ma tgi abitava en quest lieu avant ch'ils turists èn vegnids? Sch'ils indigens discurren oz da Salums, lura sa regordan

els bain spert da l'eremit «Tesli», il Matthias Cavelti ch'aveva chattà là sia pasch, dals dus originals Sep e Toni Burkhardt che han passentà l'entira vita en l'aclaun, da l'artist Carl Strauss che simpatisava – uschia vegni raquintà – cun ils nazional-socialists e da la famiglia da Turitg che aveva cumprà avant passa 50 onns l'Isola Beata, ina chasa da la quala nagin indigen saveva propi tge che capitava davos ses mirs.

Il film da l'emissiun «Contrasts» vegn mussà sco suonda: dumengia, ils 08-02-2015, 17.25 sin SRF 1

Repetiziuns: mesemna, ils 11-02-2015, 08.30, 09.30, 12.50 sin SRF info

gievga, ils 12-02-2015, 11.00 sin SRF info

venderdi, ils 13-02-2015, 13.20 sin LA2

sonda, ils 14-02-2015, 17.10 sin SRF1

dumengia, ils 15-02-2015, 07.00 sin RTS1 ed a

las 07.30 sin RSI LA1



Sep e Toni Burkhardt.